

1115



图整库

序

余老歸空門不復染指聲律而  
頗悟詩理以爲詩之道有不學  
而能者有學而不能者有可學  
而不能者有可學而不可能者有



學而愈能者有愈學而愈不能  
者有天工焉有人事焉知其所  
以然而詩可以幾而學也間嘗  
趣舉其說而聞者莫吾信頃讀  
梅村先生詩集喟然嘆曰嗟乎

此可以證明吾說矣夫所謂不  
學而能者三侯垓下滄浪山木  
如天鼓谷音稱心而衝口者是  
也所謂學而不能者賦名六合  
句取切偶如鳥空鼠卽循聲而

屈步者是也此非所以論梅村  
之詩梅村之詩其殆可學而不  
可能者乎夫詩有聲焉宮商可  
叶也有律焉聲病可案也有體  
焉正變可稽也有材焉良楛可

攻也斯所謂可學而能者也若  
其調之鏗然金春而石夏也氣  
之熊然劒花而星芒也光之耿  
然春浮花而霞侵月也情之盎  
然草碧色而水綠波也戴容州

有言藍田日暖良玉生烟可望  
而不可置於眉睫之間以此論  
梅村之詩可能乎不可能乎文  
繁勢變事近景遙或移形於跬  
步或縮地於千里泗水秋風則  
往歌而來哭寒燈擁髻則生死  
而死生可能乎不可能乎所謂  
可學而不可能者信矣而又非  
可以不學而能也以其識趣正  
定才力宏肆心地虛明天地之


物象陰符之生殺古今之文心  
名理陶冶籠挫歸乎一氣而咸  
資以爲詩善画馬者曰天閑萬  
廐皆吾師也安有撐腸雷腹蟬  
吟蚓竅而謂之能詩者哉玄黃  
金碧入其鑪鞴皆成神丹而他  
人則爲掇拾之長物么弦孤韻  
經其杼軸皆爲活句而他人則  
爲偷句之鈍賊參苓不能生死  
人朱鉛不能飾醜女故曰有學

而愈能有愈學而愈不能讀梅  
村詩者亦可以霍然而悟矣竊  
嘗謂詩人才子皆生自間氣天  
之所使以潤色斯世而近禩則  
多出詞林然自高青丘以降若  
李賓之楊用修者未易一二數  
也豐水有芭生材不盡而產梅  
村於隆平之後以錦繡爲肝腸  
以珠玉爲咳唾置諸西清東序  
之間俾其鯨鏗春麗眉目一世

金月一  
輅材小生不自量度猥欲以煩  
聲促節流漂嘈噴爭馳尺幅之  
上豈不諄哉余故略舉學詩之  
說以引其端世之蹉跎短垣呼  
囂相命者聞余言固將交綏引  
去而余以老耄才盡目眩吻燥  
自詭於儻書焚筆者庶亦可以  
有辭也

順治庚子十月朔虞山蒙叟錢  
謙益再拜謹序





梅村先生詩集目錄

卷一至卷三

五言古詩六十一首

卷四至卷七

七言古詩九十三首

卷八至卷十

五言律詩二百八十首

卷十一至卷十五

七言律詩三百四首



卷十六

五言排律九首

卷十七卷十八

五言絕句三十五首

六言絕句十一首

七言絕句二百三首

卷十九卷二十

詩餘小令四十七首

中調十首

長調三十五首

計詩九百九十七首詩餘九十一首

目錄

附錄

與梅村先生書

錢謙益

謙益白荒村草具樵蘇不爨昔賢峴山夜宿以乳  
 羊博市沽比之吾輩豈非華筵高會乎別後捧持  
 大集坐臥吟嘯如渡大海久而得其津涉清詞麗  
 句曾見疊出鴻章縹緲富有日新有事採剝者或  
 能望洋而嘆若其攢簇化工陶冶今古陽施陰設  
 移步換形或歌或哭欲死欲生或半夜而啼或當  
 餐而嘆則非精求於韓杜二家吸取其神髓而俛  
 助之以眉山劍南斷斷乎不能窺其籬落識其所

陌也。諷誦久之，不禁技癢，遂放筆爲叙引，非謂樸學謏聞，足以遂盡來美，亦聊於唱嘆之餘，少抒其領略，使人知天人之際，可學不可學之介，出自心神本乎習氣，真如內典所謂多生異熟，不思議熏習者，庶幾無幾，俾其不能而鏃礪，其可學爲斯人少分箴砭，提醒眼目耳信心衝口便，多與時人水火。豫章徐巨源規切不肖爲文晚年好罵此序一出，恐世之詞人樹壇立坵者，又將鉗我於市矣。不敢自秘，輒繕寫求政，唯篋而藏之，不惟爲魏公藏拙，亦可謂免我於死也。老人放言，未知執事何以命之大集，謹封題奉歸，記室禪誦之暇，未能釋然，或鏤版或副墨，早得賜教，以慰渴饑，是所顛望也。烟老有嗜痂之癖，或可傳示，以博一笑。太虛小阮，褰帷虞山，想當枉駕，可圖接席。江右艷曲盈絳，溢縹西崑香奩，塞破此世界矣。老先生何以應之，附及一笑，不盡。

梅村集卷第一

丙戌七月臨錢湘靈先生閱本

太倉吳偉業駿公著——後學

許旭九日

訂

顧湄伊人

侄

曉省初較

五言古詩一

贈蒼雪

我聞昆明水。天花散無數。躡足凌高峰。了了見佛  
土。法師滇海來。植杖渡湘浦。藤鞋負貝葉。葉葉青  
蓮吐。法航下匡廬。講室臨玄圃。忽聞金焦鐘。過江

救諸苦。中峰古道場。浮圖出平楚。通泉繞塔除。疏  
巖置廊廡。同學有汰公。兩山聞法鼓。天親偕無着。  
一朝亡其伍。獨游東海上。從者如墻堵。迦文開十  
誦。廣舌演四部。設難何衡陽。荅疑劉少府。人我將  
無同。是非空諸所。卽今四海內。道路多豺虎。師於  
高座上。辦香祝君父。欲使菩提樹。徧蔭諸國土。洱  
水與蒼山。佛教之齊魯。一展游中原。五嶽問諸社。  
稽首香花嚴。妙義足今古。

塗松晚發

語似李長蘅

孤月傍一村。寒潮自來去。人語出短篷。纜沒溪橋  
樹。冒霜發輕舫。披衣聽雞曙。籟響若鳴灘。蘆洲疑  
驟雨。漁因入浦喧。農或呼門懼。居然見燈火。市聲  
雜翁媪。水改村店移。一帆今始遇。生涯問菰蒲。世  
事隔沮洳。終當謝親朋。刺舟從此住。

毛子晉齋中讀吳匏菴手抄宋謝翱西臺慟  
哭記

扁舟訪奇書。夜月南湖宿。主人開東軒。磊落三萬  
軸。別皮加收藏。前賢矜手錄。北堂學士鈔。南宋遺

起句好

叔

叔

婦翁梅福也

入宋末  
撫今思古

民牘言過富春渚。登望文山哭子陵。留高臺西面  
滄江綠。婦翁為神仙。天子共游學。攜家就赤城。高  
舉凌黃鵠。尚笑君房癡。寧甘子雲辱。七里溪光清。  
千仞松風謾廬陵。赴急難。幕府從羈僕。運去須武  
侯。君存即文叔。臣心誓弗諉。漢祚憂難復。昆陽大  
雨風。虎豹如蝟縮。詭譎滹沱冰。倉卒蕪亭粥。所以  
恢黃圖。無乃資赤伏。即今錢塘潮。莫救匡山麓。空  
坑戰士盡。柴市孤臣戮。一死之靡他。百身其奚贖。  
龔生天天年。翟公湛家族。會稽處士星。求死得亦

足。安能期故人。共臥客加腹。巢許而蕭曹。遭遇全  
高躅。文山竟以殉。趙社終為屋。海上悲田橫。國中  
痛王蠋。門人蒿里歌。故吏平陵曲。彼存君臣義。此  
製朋友服。相國誠知人。舉事何顛蹙。丈夫失時命。  
無以辭碌碌。看君書一編。俾我愁千斛。禹績荒烟  
霞。越臺走麋鹿。不圖疊山傳。再向巖灘續。配食從  
方干。豐碑繼梅福。主人更命酒。哀吟同擊筑。四坐  
皆涕零。霜風激羣木。嗟乎誠義士。已矣不忍讀。  
壽王鑑明五十

伏勝謝生徒。開壁藏卷軸。桓榮抱詩書。拾稻逃巖谷。古來兩經生。遭亂耽講讀。後皆保耆願。或乃致鼎足。當世數大儒。如君號名宿。通識曉世變。早計駭愚俗。一朝載妻子。推車入天目。經營志不遂。退迺就田牧。十畝種桑麻。一溪蒔花木。果茹飴兒孫。樵蘇課僮僕。以代子陵釣。無媿君平卜。俯視悠悠人。愁苦對金玉。下士豈聞道。世事如轉轂。五十知天命。養生在無欲。全家就白雲。避地驅黃犢。無以侑君觴。知足則不辱。

松鼠

杜詩歌斜疾說舟帆則可

漳河也此似作泛然水用

衝飈飄頽瓦。壞墻叢廢棘。護然見松鼯。搏樹向人立。側目仍盱眙。奉頭似悚惕。簷牙偃卧高。屋角欹斜疾。倒擁弱枝危。迅躡脩柯直。已墮復驚趨。將藏又旁突。去遠且暫留。迴顧再迸逸。前逃赴已駛。後竄追旋及。剽輕固天性。儇狡因眾習。兩木夾清漳。槎牙斷尋尺。攀緣所絕處。排空自騰擲。足知萬物機。飛走不以力。嗟爾適何來。身鼠忽而一。本是居巖巖。無端被羈繫。兒曹初玩弄。種類漸充斥。黠彼

憑社徒技窮耻畫匿。銜尾共呼鳴。異穴爲主客。吾  
廬枕荒江。垂死倚病柏。雷雨撥其根。慘裂蒼皮濕。  
空腹鷓鴣蹲。殘身螻蟻食。社鬼不復憑。乘間恣出  
入。庭中玉蘂枝。怒茁遭狼藉。非敢念摧殘。於君奚  
損益。屈指五六年。不遣一花白。筓筍抽新芽。編籬  
察行跡。免彼鎌鉏侵。值爾齒牙厄。反使盜者心。笑  
睨生歎息。貧賤有此園。謂可資漑植。春蔬晚猶種。  
夏果晨自摘。鳥雀羣飛鳴。啁啾滿阡陌。婦子懶驅  
除。傳藁加篋笠。我亦顧而笑。自信無長策。焉能避  
穿墉。會須憂入室。茅齋雖云陋。一一經剪葺。曉起  
看掃除。仰視輒詫惜。尋繩透簾幕。掉尾來几席。倒  
皮傾圖書。窺厨啖漿炙。空倉喧夜鬪。忘疲競遺粒。  
早幸官吏租。督責無餘積。邂逅開虛堂。群怒扼險  
塞。地逼起衆呼。拍手撼四壁。捕此曷足多。欲以觀  
其急。櫺戶旣嚴扃。欒櫺若比櫛。瞥眼倏遁逃。一巧  
先百密。窮追信非算。允豫不早擊。忍令智弗如。變  
計思與敵。機深勇夫駭。勢屈兒童獲。舉世貴目前。  
快意相促迫。比讀莊生書。退守愚公術。撲棗聽隣



出入吏部工部之間

收

此詩韵十一庚十二真十三青十四蒸十七文十九元十五侵跨七韵古通用

家搔瓜任邊邑。溪深獺趁魚。果熟猿偷栗。天地所長養。於已何得失。嗟理則誠然。自古戒鼠泣。仙豈學淮南。腐難嚇梁國。舞應京房占。磔按張湯律。終當就羅網。不如放山澤。永絕焚林風。用全飲河德。

吳門遇劉雪舫

出門遇高會。雜坐皆良朋。排閣一少年。其氣為幽并。羗裘雖裹膝。目乃無諸儉。忽然語笑合。與我談生平。亡姑備宮掖。吾父天家婚。先皇在信邸。降禮如諸甥。長兄進徹侯。次兄拜將軍。先皇早失恃。寤寐求音形。太廟奉睿容。流涕朝羣臣。新樂初受封。搢笏登王廷。至尊亦豐頤。一見驚公卿。兩宮方貴重。通籍長安門。周侯累纖微。鄙哉無令名。田氏起輕俠。賓客多縱橫。不比先后家。天語頻諄諄。獨見新樂朝。上意偏殷勤。愛其子弟謹。憂彼俸給貧。每開三十庫。手賜千黃金。長戈指北闕。鞞鼓來西秦。寧武止一戰。各帥皆投兵。漁陽股肱郡。千里無堅城。嗚呼四海主。此際惟一。身彷彿萬歲山。先后輜輶迎。辛苦十七年。欲訴知何因。今纔識母面。同去

長戈以下須叙賊事詳

每寸集一 五言古詩

朝諸陵我兄聞再拜。慟哭高皇靈烈烈。鞏都尉揮  
 手先我行。寧同英國死。不作襄城生。我幼獨見遺  
 貧賤。今依人。當時聽其語。剪燭忘深更。長安昔全  
 盛。曾記朝元正。道逢五侯騎。願暫為卿兄。即君貌  
 酷似豐。下而微黥。貴戚諸舊游。追憶應難真。依稀  
 李與郭。流落今誰存。君日欲我談。清酒須三升。舊  
 時白石莊。萬柳餘空根。海澱李侯墅。秋雁飛沙汀。  
 博平有別業。乃在西湖濱。惠安蓄名花。牡丹天下  
 聞。富貴一朝盡。落日浮寒雲。走馬南海子。射鬼西  
 山陰。路傍一寢園。御道居人侵。碑鐫孝純字。僵石  
 莓苔青。下馬向之拜。見者疑王孫。詢是先后姪。感  
 歎增傷心。落魄游江湖。踪跡嗟飄零。傾囊縱蒲博。  
 劇飲甘沉淪。不圖風雨夜。話舊同諸君。已矣勿復  
 言。涕下沾衣襟。

臨江參軍

臨江髯參軍。負性何貞栗。上書請賜對。高語爭得  
 失。左右為流汗。天子知質直。公卿有闕遺。廣坐憂  
 指摘。鷹隼伏指爪。其氣嘗突兀。同舍展歡譔。失語

輒面斥萬仞削蒼崖。飛鳥不得立。予與交十年。弱  
節資扶植。忠孝固平生。吾徒在真實。去年羽書來。  
中樞失籌策。桓桓尚書公。孫傳庭提兵戰疾力。將相有纖  
介。中外為危慄。君拜極言疏。夜半片紙出。贊畫樞  
曹郎。遷官得左秩。天子欲用人。何必歷顯職。所恨  
持祿流。垂頭氣默塞。主上憂山東。無能恃緩急。投  
身感至性。不敢量臣力。受詞長安門。走馬桑乾側。  
但見塵滅沒。不知風慘慄。四野多悲笳。十日無消  
息。蒼頭草中來。整暇見紙墨。唯說尚書賢。與語材

不成說話

挺特。次見諸大帥。驕懦固無匹。逗撓失事機。倏忽  
不相及。變計趣之去。直云戰不得。成敗不可知。死  
生子所執。予時讀其書。對案不能食。一朝敗問至。  
南望為於邑。忽得別地書。慰藉告親識。云與副都  
護會師有月日。顧恨不同死。痛憤填胸臆。先是在  
軍中。我師已孔亟。剽略斬亂兵。掩面對之泣。我法  
為三軍。汝實饑寒極。諸營勢潰亡。羣公意敦逼。公  
獨顧而笑。我死則塞責。老母隔山川。無繇寄悽惻。  
作書與兒子。勿復收吾骨。得歸或相見。且復慰家

室別我顧無言。但云到順德。犄角竟無人。親軍惟  
數百。是夜所乘馬嘶鳴。氣蕭瑟。椎鼓鼓聲哀。拔乃  
刀芒。澗公知為我故。悲歌壯心溢。當為諸將軍。揮  
戈誓深入。日暮箭鏃盡。左右刀鋌集。帳下勸之走。  
叱謂吾死國。官能制萬里。年不及四十。詔下詰死  
狀。疏成紙為溼。引義太激昂。見者憂讒疾。公既先  
我亡。投跡復奚恤。大節苟弗明。後世謂吾筆。此意  
通鬼神。至尊從薄譴。生還就畊釣。志願自此畢。匡  
廬何巖壑。大江流不測。君看磊落士。艱難到蓬華。  
猶見參軍船。再訪征東宅。風雨懷友生。江山為社  
稷。生死無媿辭。大義焰顏色。

贈願雲師 并序

願雲二十而與予游。甲申聞變。常相約入  
山。予牽帥不果。而師已悟道。受法於雲門  
具和尚。今夏從靈隱來。止城西之太平菴。  
云將遠游廬嶽。貽書別予。以兩人年踰不  
惑。衰老漸至。世法夢幻。惟出世大事。乃為  
真實學道。一着不可不勉。予感其言。因作

此詩贈之并識子媿也

曉雨西山來。松風滿溪閣。忽得吾師書。別子訪廬  
嶽。分攜出苦語。殷勤謂同學。兄弟四十餘。衰遲已  
非昨。寄身蒼崖巔。危苦愁失脚。萬化皆虛空。大事  
惟一着。再拜誦其言。心顏抑何忤。末運初迤邐。達  
人先大覺。勸吾非不早。執手生退却。流連白社期。  
慚負青山約。君親既有媿。身世將安托。今觀吾師  
行。四海一芒屨。大道本面前。卽是真極樂。他年跌  
深巖。白雲養寂寞。一偈出千山。下界鐘磬作故人。  
叩松關。匡床坐酬酢。不負吾師言。十年踐前諾。

避亂

我生江湖邊。行役四方早。所歷皆關河。故園跡偏  
少。歸去已亂離。始憂天地小。從人訪幽棲。居然逢  
浩渺。百頃擘清湖。烟清入飛鳥。沙石晴可數。鳧鷖  
亂青草。主人柴門開。雞聲綠楊曉。花路若夢中。漁  
歌出杳杳。白雲護仙源。劫灰應不擾。定計浮扁舟。  
於焉得終老。

其二

起教語如律

此齊梁羊格詩

長日頻云亂。臨時信孰傳。愁看小兒女。倉卒恐紛  
然。緩急知難定。身輕始易全。預將襁褓寄。忍使道  
塗捐。天意添漂泊。孤舟雨不前。途長從妾怨。風惡  
喜兒眠。水市灣頭見。溪門屋後偏。終當淳樸處。不  
作畏途看。未得更名姓。先教禮數寬。因人拜村叟。  
自去榜漁船。多累心常苦。遭時轉自憐。干戈猶未  
作。已自出門難。

其三

驟得江頭信。龍關已不守。由來嗤早計。此日盡狂  
走。老穉爭渡頭。篙師露兩肘。屢喚不肯開。得錢且  
沽酒。予也倉皇歸。一時攜百口。兩槳速若飛。扁舟  
戢來久。路近忽又遲。依稀認楊柳。居人望帆立。入  
門但需帚。依然具盤飧。相依賴親友。却話來途中。  
所見俱八九。失散追尋間。啼呼挽兩手。屢休又急  
步。獨行是衰朽。村女亦何心。插花尚盈首。

其四

此方容跡便。止爲過來稀。一自人爭避。溪山客易  
知。有心高酒價。無計掩漁扉。已見東郭叟。全家又

別移總無高枕地。祇道故園非。爲客貪蝦菜。逢人厭鼓鞶。兵戈千里近。隱遯十年遲。惟美無家雁。滄江他自飛。

其五

日出前村白。溪光炤澄練。放櫂浮中流。臨風浩歌斷。天塹非不雄。哀哉日荒蕪。嗟爾謀國徒。坐失江山半。長年篙起舞。扁舟疾如箭。可惜兩河士。技擊無人戰。孤篷鐵笛聲。聞之淚流霰。我生亦何爲。遭時涉憂患。昔也游九州。今來五湖畔。麻鞋習奔走。淪落成愚賤。

其六

曉起譁兵至。戈船泊市橋。草草十數人。登岸沽村醪。結束雖非常。零落無弓刀。使氣搗市翁。怒色殊無聊。不知何將軍。到此貪逍遙。官軍昔催租。下令嚴秋毫。盡道征夫苦。不惜畊人勞。江東今喪敗。千里空蕭條。此地村人居。不足容旌旄。君見大敵勇。莫但驚吾曹。

西田詩

穿築倦人事。田野得自然。偶來北郭外。學住西溪邊。  
道大習隱難。地僻起衆傳。而我忽相訪。棹入菰蒲天。  
落日溪遠樹。桑柘生微烟。逕轉蹊路迷。鳧鴨引我船。  
香近聞芰荷。卧入花鮮妍。人語出垂柳。曲岸漁槎偏。  
執手顧而笑。此乃吾西田。長得君輩客。野興同流連。  
藉草傾一壺。聊以娛餘年。

其二

到此身世寬。息心事樵牧。舍南一團焦。云以飯黃犢。  
入門沿長廊。虛堂敞心目。把卷倚新桐。持杯泛南菊。  
曲處通簾櫺。茶香具含蓄。俄穿密室暗。倏遇清溪綠。  
碧水開紅蕖。娟娟媚幽獨。有鳥立層波。垂翅清如玉。  
對此不能去。溪光好留宿。月照寒潭深。經聲入寒竹。  
徒倚良有悟。閒房道書讀。

其三

別業多幽處。探源更不窮。堤沿密篠盡。路細竹扉通。  
石罅枯泉過。菖蒲間碧叢。一亭壓溪頭。魚藻如游空。  
扁舟更不繫。出沒柳陰風。小閣收平蕪。良苗何雍容。  
此綠詎可画。變化陰晴中。隔岡見村舍。曲

收

8

竟以上三句結  
佳



背驅牛翁苦言官長峻未敢休後躬樸陋於詩書  
無乃與我同日日落掩扉去滿地桃花紅

其四

常言愛茅齋投老纔剪葺創置依舊圖新意出彷彿  
蒼然一笠寒能添夕陽色細影懸晨光一一清  
露滴卞生工丹青妙手固誰匹山村貧無人取意  
先自適想像生雲烟爲我開素壁了了見千峰可  
以攜手入道人十年夢惆悵平生屐此地足臥游  
不負幽人室願以求長生芝草堪采食

哭志衍

予始年十四與君蚤同學君獨許我文謂侔古人  
作長揖謝時輩漢詩自比管與樂彊記矜絕倫讀書取  
大略家世攻春秋訓詁苦穿鑿君撮諸家長弗受  
專門縛卽子之太公亦未相然諾高譚群兒驚健  
筆小儒作長途馭二龍崇霄翔一鷲遂使天下士  
咸奉吾徒約詞場忝兩吳相與爲犄角煌煌張夫  
子斯文紹濂洛五經叩鐘鏞百家垂矩矱海內走  
其門鞍馬填城郭雲間數陳夏餘子多磊落反騷

擬三湘作賦誇五柞君也游其間才大資磨鍊詩  
篇口自哦書記手頻削冠蓋傾東南虛懷事酬酢  
射策長安城驄馬黃金絡年少交公卿才智森噴  
薄會值里中兒飛文肆謠詠要路示指蹤黨人罹  
贈繳君也念急難疎通暗籌度陰落其機牙用意  
于莫覺逡巡白衣奏停止黃門獄叶解褐未赴官  
歸來卧林壑賓客益輻輳聲華日昭灼生徒巧譚  
論文史供揚權貧賤諸故人慰存餽衣藥躡履脩  
起居小心見誠恪重氣徇長者往往捐囊橐君家  
夙貴盛朱門飾華楸壘石開櫺軒張燈透簾幕唱  
曲李延年俳弄黃幡綽舞席間毬場池館花漠漠  
兄弟四五人會讌騰觚爵鹽豉下魚羹椒蘭糝鳧  
臠每具十人饌中厨炊香穉客從遠方來咄嗟辦  
脾臄昨宵已中酒命飲仍大酌叶而我過其家性  
不勝杯杓小戶不足紉引滿狂笑噓卷波喝遣輸  
射覆猜須着狎侮座上人鬪捷貪諧謔警速誰能  
酬自喜看跳躍堅坐聽其言乃獨無差錯親疎與  
長幼語語存斟酌性厭禮法儒拘忌何齷齪風儀

俗

甚瓌偉。衣冠偏落拓。有時不簪巾。散髮忘盥濯。中  
 夜鬪歌呼。分曹縱蒲博。百萬一擲輸。放意長自若。  
 絕叫忽成盧。衆手忽斂却。男兒須作健。清談兼馬  
 稍。犯雪披輕衫。笑予爾何弱。嘗登黃山顛。飛步臨  
 峭嶒。下有萬仞潭。徒侶愁失脚。搔首凌雲烟。翹足  
 傲衡霍。顧予石城頭。橫覽浮大白。叶慷慨天下事。  
 風塵慘河朔。諸將擁重兵。養寇飽鹵掠。背後若有  
 節。此輩急斬斫。自請五千騎。一舉殲首惡。餘黨皆  
 吾人。散使歸耕穫。卽今朝政亂。舉錯混淆濁。君父  
 切邊疆。群臣私帷幄。當官不彈治。何以司封駁。對  
 仗劾三公。正色吐謇諤。此志竟迤邐。天道何窮剝。  
 六載養丘園。一官落邛笮。大盜竊江黃。兇徒塞荆  
 鄂。間道攜妻孥。改途走蠻貉。瘴黑箐林行。颺作瀘  
 溪泊。驛路出桄榔。候吏疑猿獍。歇鞍到平地。倏逢  
 錦城樂。問士先嚴楊。恤民及程卓。白鹽古戍烽。赤  
 脚嚴關柝。再拜蜀王書。流涕傾葵藿。請府發千金。  
 三軍賜酺醪。賓旅給犀渠。叟兵配騶駱。此地俯中  
 原。巨靈司鎖鑰。水櫃扼涪江。石門防劍閣。我謀適

收

〇

吾欲刑落前  
 半軍由六載  
 養邱園以下  
 為一首

不用岷峨氣蕭索。黑山起張燕。青城突莊躡。積甲  
 峨眉平。飲馬瞿塘涸。生民為菹醢。醜類恣啖嚼。徒  
 行值虎豹。同事皆燕雀。孤城遂摧陷。狂刀乃屠戮。  
 有子踰十齡。艱難孰顧托。閤門竟同殉。覆卵無完  
 殼。一弟漏刃歸。兩踝見芒屨。三峽奔荆門。魚龍食  
 魂魄。叶夢斷落滄江。毋乃遭搏攫。耶筒千日酒。泉  
 路無寂寞。追計平生歡。一一猶如昨。壁間所懸琴。  
 臨行彈別鶴。玉子文楸枰。尚記爭殘着。百刻歲圖  
 書。千金入卷握。刻意工丹青。雲山共綿邈。篋中白  
 團扇。玉墜魚淺濶。阿兄風流盡。萬事俱零落。我欲  
 收君骨。茫茫隔山嶽。後來識死事。良史曾誰確。此  
 詩傳巴中。磨崖書卓犖。石剝蒼藤纏。姓氏猶捫摸。  
 庶幾千載後。悲風入寥廓。

閩州行 贈楊學博爾緒

四坐且勿喧。聽吾歌閩州。閩州天下勝。十二錦屏  
 樓。歌舞巴渝盛。江山士女游。我有同年翁。閩中舊  
 鄉縣。送客蒼溪船。讀書玉臺觀。忽乘相如車。謂受  
 文翁薦。游宦非不歸。十載成都亂。只君為愛子。相

思不相見相見隔長安。干戈徒步難金牛。盤七坂。  
鐵馬斷千山。敢辭道路艱。早向妻兒訣。一身上鳥  
道。全家傍虎穴。君自爲尊章。豈得顧妻子。分攜各  
努力。妾當爲君死。淒淒復切切。苦語不能荅。好寄  
武昌書。莫買秦淮妾。巴水急若箭。巴船去如葉。兩  
岸蒼崖高。孤帆望中沒。二月到漢口。三月下揚州。  
揚州花月地。烽火似邊頭。驛路逢老親。遷官向閩  
越。謂逼公車期。蚤看長安月。再拜不忍去。趣使嚴  
裝發。河山一朝異。復作它鄉別。別後竟何如。飄零

少定。始愁中鄉信斷。不敢望來書。盡道是葭萌。殺  
人滿川陸。積屍峨岬平。千村惟鬼哭。客有自秦關。  
傳言且悲喜。來時聞君婦。貞心視江水。江水流不  
極。猿聲哀。豈聞將書封。斷指血淚染羅裙。五內爲  
崩摧。買舟急迎取。相逢惟一慟。不料吾見汝。拭眼  
問舅姑。雲山復何處。淚盡日南天。死生不相遇。汝  
有親弟兄。提攜思共濟。姊妹四五人。扶持結衣袂。  
懷裏孤雛癡。啼呼不知避。失散倉皇間。骨肉都拋  
棄。悠悠彼蒼天。於人抑何酷。城中十萬戶。白骨滿

崖谷官軍收成都千里見榛莽設官尹猿猴半以  
飼豺虎尚道是閬州此地差安堵民少官則多莫  
恤蜀人苦凄凉漢祖廟寂寞滕王臺子規叫夜月  
城郭生蒿萊只有嘉陵江江聲自浩浩我欲竟此  
曲流涕不復道

讀端清鄭世子傳

天惟大雅詩亦足潤色其人

昭代無遺憾萬事光史冊惜哉金川門神聖有慚  
德天誘其子孫救之以讓國賢如鄭世子宗盟堪  
表率當璧辭真玉累疏誠懇慄天子詔勿許流

涕守所執敝屣視千乘謝之以長揖灑掃覃懷宮  
躬迓新王入夷齊既死後曠代仍間出築屋蘇門  
山深心事經術明興二百年廟樂猶得失以之輯  
羣書十載成卷帙候氣推黃鐘攻風定六律嶰谷  
當南山代竹製琴瑟為圖獻太常作之文世室遂  
使溱洧間一洗萬古習我行漳河南懷古思遺澤  
好學漢東平高風吳泰伯道傍立豐碑讓爵存月  
日彼為一卷書能輕萬家邑大雅欽遺風誠哉不  
可及

叔

梅村集卷第二

五言古詩二

讀史雜詩

東漢昔云季黃門擅權勢積忿召外兵  
 癰決身亦斃雖自撥木根庶幾蕩殘穢  
 誰云承敝起仍出刑餘裔孟德沾丐養  
 門資列朝貴憑藉盜弄兵豈曰唯才智  
 追王故長秋無鬚而配帝鈞黨諸名賢  
 子孫為皂隸

曹拯奄宦曹騰  
 養子本夏侯嵩  
 子冒姓曹氏

其二

商君刑師傳徒木見威約范叔誣涇陽折騰吐蹇  
譎地疎主恩深法輕主權削苟非用刻深何以膺  
付託功成或倖遇禍至終難度屈伸變化間卽事  
多斟酌談笑遷種人吾思王景略

其三

蕭何虛上坐故侯城門東曹參避正堂屈已事蓋  
公咄咄兩布衣不仕隆準翁其術總黃老閱世浮  
沉中所以輔兩人俱以功名終出處雖有異道義  
將毋同何必致兩生彼哉叔孫通

其四

竇融昔布衣任俠家扶風翟公初舉事海內知其  
忠融也受漢恩大義宜相從低頭就新莽顧入其  
軍中轉戰槐里下盡力爲摧鋒後來擁衆降仍以  
當時功忝竊居河西蜀漢方相攻一朝決大計佐  
命蕭曹同吁嗟翟太守爲漢傾其宗劉氏已再興  
白骨無人封徒令千載後流涕平陵東

又詠古

浹旬至台司三日遍華省慈明與中郎豈不念朝



木集二二  
菌王良御奔車勢逼崦嵫景急策度太行馬足殆  
而騁富貴若歲時過則生災疹草木冬先榮經春  
輒凋殞桓桓梁將軍赫赫蕭京尹一朝遇差跌未  
得全要領人生百年內飽食與美寢毋以藜藿糲  
羨彼鍾與鼎毋以毛褐傲羨彼純與錦進固非伊  
周退亦無箕頰薄祿從下僚末俗居中品寂寥子  
雲戟從容步兵飲

其二

西州杜伯山北海鄭康成李孟將舉事本初方用  
兵脫身有追騎興疾猶從征何胤絕婚宦遯跡東  
籬門受逼崔慧景語默難爲情網疎免刑戮大道  
全身名時命苟不佑千載無完人入山山易淺飲  
水水不清一身累妻子動足皆荆榛自非焦季先  
何以逃風塵庶幾詹尹卜足保幽人貞

其三

古來有烈士軹里與易水慶卿雖不成其事已並  
美專諸弑王僚朱亥殺晉鄙惜哉博浪椎何如圮  
橋屢公孫擅西蜀可謂得士死連刺兩大將探囊

取物耳。皆從百萬軍。夜半入帳裏。七首中。要害絕。跡復千里。若論劍術精。前人莫能比。胡使名弗傳。無以著青史。誰修俠客傳。闕疑存二子。

鄧禹 其四

高密未佐命。早共京師游。弱冠拜司徒。杖策功名收。靈臺画少年。萬古誰能儔。興王諸將相。足使風雲羞。鄧芝遇先主。七十才封侯。位至大將軍。矍鑠高春秋。英雄初未遇。垂老猶窮愁。祖孫漢功臣。年齒胡不侔。我讀新野傳。慷慨思炎劉。

其五

遭時固不易。推心尤獨難。景略王佐才。臣主真交歡。天意不佐秦。中道奪之年。苻堅有大度。豁達知名賢。獨斷未爲失。興毀寧非天。賊萇實弑君。聞者爲衝冠。鎮惡丞相孫。流落來江南。西伐功冠軍。力戰收長安。手劍縛姚泓。俘之出潼關。張良爲劉氏。雅志在報韓。能以家國恥。誦申兩主間。其地皆西秦。功亦堪比肩。區區一李方。報恩何足言。

其六

宜城酒家保北海賣餅師千金懸賞購萬里刊章  
迎途窮變名姓勢急投親知漢法重亡命保舍加  
誅已破家相存濟百口同安危虞卿捐相印恨未  
脫魏齊惜哉燕太子流涕樊於期瀨水一女子魯  
國一小兒今也無其人已矣其安歸廣柳可以置  
置當猛虎蹊複壁可以藏藏憂黠鼠窺古道不可  
作太息將何爲

遇南廂園叟感賦八十韻

寒潮衝廢壘火雲燒赤岡四月到金陵十日行大  
航平生游宦地蹤跡都遺忘道過一園叟問我來  
何方猶然認舊役卽事堪心傷開門延我坐破壁  
低圍墻却指灌莽中此卽爲南廂衙舍成丘墟佃  
種輸租糧謀生改衣食感舊存園莊艱難守茲土  
不敢之他鄉我因訪故基步步添思量面水背蒼  
崖中爲所居堂四海羅生徒六館登文章松檜皆  
十圍鐘筦聲鏘鏘百頃搖澄潭夾岸栽垂楊池上  
臨華軒菡萏吹芬芳譚笑盡貴游花月傾壺觴其  
南有一亭梧竹生微涼回頭望雞籠廟貌諸侯王

左李右鄧沐中坐徐與常霜髯見鋒骨老將東甌  
湯配食十六侯劍珮森成行得之爲將相寧復憂  
封疆北風江上急萬馬朝騰驤重來訪遺跡落日  
唯牛羊吁嗟中山孫志氣胡勿昂生世苟如此不  
如死道傍惜哉裸體辱仍在功臣坊蕭條同泰寺  
南枕山之陽當時寶誌公妙塔天花香改葬施金  
棺手詔追褒揚袈裟寄靈谷製度由蕭梁千尺觀  
象臺太史書禎祥北望占旄頭夜夜愁光鉞高  
帝遺衣冠月出脩蒸嘗圖書盈玉几弓劍堆金牀  
承乏忝兼官再拜陳衣裳南內因灑掃銅龍啓未  
央幽花生御榻苔澀青倉琅離宮須望幸執戟衛  
中郎萬事今盡非東逝如長江鍾陵十萬松大者  
參天長根節猶青銅屈曲蒼皮僵不知何代物同  
日遭斧創前此千百年豈獨無興亡况自百姓伐  
孰者非畊桑羣生與草木長養皆吾皇人理已漸  
滅講舍宜其荒獨念四庫書卷軸誇縹緗孔廟銅  
犧尊斑剝填青黃棄擲草莽間零落誰收藏老翁  
見話久婦子私相商人倦馬亦疲剪韭炊黃粱慎

莫笑貧家一一羅酒漿從頭訴兵火眼見尤悲愴  
叶大軍從北來百姓聞驚惶下令將入城傳箭需  
民房里正持府帖僉在御賜廊插旗大道邊驅遣  
誰能當但求骨肉完其敢攜筐箱扶持雜幼稚失  
散呼耶孃江南昔未亂間左稱阜康馬阮作相公  
行事偏猖狂高鎮爭揚州左兵來武昌積漸成亂  
離記憶應難詳下路初定來官吏踰貪狼按籍縛  
富人坐索千金裝以此爲才智豈曰惟私囊今日  
解馬草明日脩官塘誅求却到骨皮肉俱生瘡野  
老讀詔書新政求循良瓜哇亦有畔溝水亦有防  
始信立國家不可無紀綱春來雨水足四野欣農  
忙父子力畊耘得粟輸官倉遭遇重太平窮老其  
何妨薄暮難再留暝色猶青蒼策馬自此去悽惻  
摧中腸顧羨此老翁負耒歌滄浪牢落悲風塵天  
地徒茫茫

下相懷古

驅車馬陵山落日見下相憶昔楚項玉拔山氣何  
壯太息取祖龍大言竟非妄破釜救邯鄲功居入

關上殺降復父讐。不比諸侯將杯酒。釋沛公。殊有君人量。胡為去咸陽。遭人扼其吭。亞父無諍言。奇計非所望。重瞳顧柔仁。隆準至暴抗。腕之掌握中。骨肉俱無恙。所以哭魯兄。仍具威儀葬。古來名與色。英雄不能忘。力戰兼悲歌。西風起酸愴。廢廟枕荒岡。虞兮侍帷帳。身雖伏坐傍。踣地哀鳴狀。我來訪遺蹟。登高見芒碭。長陵竟坏土。萬事同惆悵。

夜宿阜昌

我來古昌國。望古思樂生。總將六諸侯。撫劍東專征。下齊功不細。奔趙事無成。草沒黃金臺。猶憶昭王迎。涕泣辭伐燕。氣誼良非輕。此真天下士。豈獨因知兵。忠心激舊將。誓死存聊城。惜哉魯仲連。排難徒高名。勸使東游齊。毋乃傷縱橫。

魯連射書一事吾最喜此似所見同

贈家侍御雪航

士生搶攘中。非氣莫能濟。勁節行胸懷。高談豁心智。吾家侍御公。平生蘊風義。世難初橫流。事定猶草昧。召見邯鄲宮。軍中獲能吏。移牒拜諫官。創業更新制。長刀夾殿門。令下誰敢議。扣馬忽上陳。挺

收

以魯公禮葬不聞稱兄也

身艱難際。丈夫持國。是僵仆無所避。封事即留中。  
 天語加褒異。受命巡山東。恩威恤凋弊。會討泰山  
 賊。無辜輒連治。破械使之歸。父老皆流涕。征南甘  
 侯軍。豪奪武昌地。可憐黃陵廟。鈔略空村闕。君來  
 仗威名。一言釋猜忌。塲壁招殘民。郊原戢游騎。從  
 此巴丘兵。始識長沙尉。西望浚稽山。黃河遶其背。  
 青羗十七種。驕驕飾文麗。自古於金城。互市有深  
 意。蜀賈蒙山茶。兵火苦莫致。將吏使之然。憂將玉  
 關廢。奉詔清河滄。俾復商人利。千車摘岷峨。五花  
 散涇渭。至今青海頭。共刻黃龍誓。揭節還歸來。公  
 私積勞勩。安卧無多談。循資躡高位。却拜極言疏。  
 手板指朝貴。恩深因薄謫。材大終難棄。古之賢豪  
 人。深沉在晚歲。歛盡萬里心。日共殘編對。學以闕  
 世深。官從讀書退。以之輕軒冕。蕭條自標置。我來  
 客京師。一身似匏繫。老大慚知交。淒涼托兄弟。臨  
 風或長歌。邀月非沉醉。論世追黃虞。刪詩及曹魏。  
 恐君故鄉思。失我窮途慰。家在五湖西。扁舟入夢  
 寐。欲取石上泉。洗濯塵中累。羣公方見推。唯志安

得遂朝罷看西山。千峰落濃翠。良友供盤。和清秋。足游憩。待予同拂衣。徐理歸田計。

題河渚圖送胡彥遠南歸

馬背話江南。春山吾負汝。白雲能容人。猿鳥不我與。西冷有高士。結廬在河渚。讀書尚感激。平生慎推許。獨坐長微吟。清言出機杼。秋風忽乘興。千里長安旅。同好四五人。招尋忘出處。寄跡依琳宮。雙松得儔侶。雖入侯王門。不受公卿舉。登高見遺廟。頽垣竄鼯鼠。悲歌因卧病。歸心入春雨。從此謝姓名。問之了不語。我為作此圖。彷彿梅花墅。蒼然開南軒。飛泉落孤嶼。想見君山中。相思日延竚。

送何省齋

哲人尚休官。取志不在歲。賢達恃少年。輕心撥名勢。神仙與酒色。皆足供蟬蛻。在已本歡娛。富貴應難累。婆娑彼頽老。匪止妻孥計。棲棲守腐鼠。自信無餘技。嗟我豈其然。今也跡相類。同事有何郎。英懷托深契。三十拜侍中。向人發長喙。拂袖歸去來。故園有松桂。世網敢自由。鄉心偶然遂。樽散却見

公為芝嶽相國  
平未總裁金元  
門生省慈之祖  
也此長詩中宜  
及之家恩國恤  
似未盡致



留送之以流涕。我昔少壯時。聲華振儕輩。談合難  
籠巖。賓朋屢高會。總角能清譚。君家好兄弟。緩帶  
天地寬。健筆江山麗。憑闌見滄口。傳烽響笳吹。海  
寓方紛紜。虛名束心意。夜半話掛冠。明日扁舟繫。  
問余當時年。三十甫過二。採藥尋名山。筋力正強  
濟。濯足滄浪流。白雲養身世。長放萬里心。拔脚風  
塵際。昔爲雲中鶴。翩翩九臯嘖。今爲轅下駒。局促  
長楸轡。榭栴蟠枯根。天陰蟲蟻萃。縱抱凌霄姿。蕭  
條斧斤畏。時命苟弗諧。貧賤安可冀。過盡九折艱。  
咫尺俄失墜。淒涼游子裝。訣絕衰親淚。關山車馬  
煩。雨雪衣裘敝。長安十二衢。回戟朱扉衛。冠蓋起  
雞鳴。蹀躞名豪騎。通籍平生交。於今悉凋替。磬折  
當塗前。問語不敢對。衰白齒坐愁。逡巡與之避。禁  
掖無立談。獨行心且悸。邂逅君登朝。讀書入中秘。  
父子被詔除。一堂共昆季。呼兒爭出拜。索果牽衣  
戲。回首十六年。踪跡猶堪記。荏苒曾幾何。萬事經  
興廢。停觴重剪燭。相對加嘘唏。我行感衰疾。腰脚  
增疲曳。可憐扶杖走。尚逐名賢隊。薄祿貪負閒。愛

責仍不細。扈從游甘泉。淅淅驚沙厲。藉草食無糶。  
僕夫枕以塊。霜風帽帶斜。頭寒縮如蝟。入門問妻  
孥。呻吟在牀被。幼女掩面啼。燈青照殘穗。白楊何  
蕭蕭。衝泥送歸櫂。爾死顧得還。我留復誰爲。苟有  
親識人。通都走聲利。厚意解羈愁。盛言推名位。不  
悟聽者心。怛若芒在背。忽接山中書。又責以宜退。  
卿言誠復佳。我命有所制。總未涉世深。止知乞身  
易。悶卽君過存。高談豁蒙蔽。苦樂來無方。窮達總  
一致。同是集蓼蟲。以此識其味。人生厭束縛。擺落  
須才氣。君初丞相家。祖德簪纓繼。吐納旣風流。姿  
容更瓌異。披史妙縱橫。論詩富裁製。激昂承明廷。  
面折公卿議。文士寡先容。疎通得交臂。騶哄訪當  
關。休沐杉齋閉。良工鑄干將。出匣蛟龍忌。趨駕度  
太行。躊躇棄騏驎。矯矯朗陵公。竟下考功第。老夫  
迫枯朽。抱膝端居睡。雖稱茂陵病。終乏鴟夷智。遜  
子十倍才。焉能一官棄。早貴生道心。中年負名義。  
蹉跎甘皓首。此則予所媿。君今謝塵鞅。輕裝去如  
駛。雙槩石頭城。木落征驂憩。過我儒林館。寒鴉噪

此下言何有父  
於官

平地函丈無復存。依舊晴嵐翠。明年春水滿。客與  
烟波趣。鶯啼笠澤船。花發龍沙醉。高堂剖符竹。盡  
室千山內。郡閣遶鳴灘。日晡散人吏。無書悼遷斥。  
有夢傷迢遞。嶺雁時獨飛。楚天樹如薺。雙眼渺荒  
江。片帆忽而至。家人迎棹立。愛子趨庭慰。誰云謫  
宦愁。老覺君恩最。共上鬱孤臺。側身望燕魏。惆  
悵念故人。沉吟不能置。三載客他鄉。一朝遽分袂。  
勞生任潦倒。失志同飄寄。少壯今逍遙。老大偏濡  
滯。舉世縱相識。出門竟誰詣。太息行路難。殷勤進  
規誨。後會良可希。尺書到猶未。相去各一方。天涯  
隔憔悴。開篋視此詩。怳怳不能寐。

送宛陵施愚山提學山東

秦皇昔東巡。作歌示來裔。李斯留篆刻。足共神仙  
配。胡爲秦岱巔。蒼碑獨無字。持此謝六經。免滋後  
賢議。至今倉頡臺。行人尚流涕。君今懷古跡。斯文  
起凋敝。蟲魚雖改竄。扶桑自天際。千載靈光宮。丹  
書閉房記。兵火獨搜揚。重見鍾離意。

其二

魯儒好逢掖。偃僂循墻茨。長劍忽拄頤。掉舌譚天  
雄。諸侯走書幣。擁篲梧丘宮。孟嘗一公子。珠履傾  
關東。後來北海相。坐上猶遺風。君愁吳越士。名在  
甘陵中。無使稷下徒。車馬矜雍容。華士苟不戮。橫  
議將安窮。古道誠可作。千里尊龜蒙。

其三

伊昔嘉隆時。文章尚丹雘。矯矯濟南生。突過黃初  
作。百年少知己。褒譏互參錯。風習使之然。詩書狗  
然諾。淒涼白雲署。前賢遂寥廓。君初領法曹。追踪  
好樓托。此行過歷下。高風緬如昨。太白游山東。後  
來訪廬霍。獨愛宣州城。江山足吟謔。讀君官舍詩。  
鄉心戀巖壑。目斷敬亭雲。口銜竹溪酌。借問謫仙  
人。何如謝康樂。

磬清湖 并序

磬清湖者。西連陳湖南。接陳墓。其先褚氏  
之所居也。磬清者。土人以水清。疑其下有  
磬石。故名。或曰范蠡去越。取道於此。湖名  
范遷。以音近而訛。世遠莫得而攷也。太湖

此引恰好

收 8

收

居吾郡之北有大山衝擊風濤湍悍而陳湖諸水渟泓演迤居人狎而安焉烟村水市若鳧雁之着波面千百於其中土沃以厚畝收二鍾有魚蝦菱芡之利資船以出入科徭視他境差緩故其民日以饒不爲盜吾宗之繇倩青房公益兄弟居於此四世矣余以乙酉五月聞亂倉黃攜百口投之中流風雨大作扁舟掀簸榜人不辨水門故處久之始達主人開門延宿雞黍酒漿將迎灑掃其居前榮後寢葭蘆掩映榆柳蕭疎月出柴門漁歌四起杳然不知有人世事矣是時姑蘇送款兵至不戮一人消息流傳緩急互異湖中烟火晏然予將卜築買田耦耕終老居兩月而陳墓之變作於是流離轉徙懂而後免事定將踐前約尋以世故牽挽流涕登車疾病顛連關河阻隔比三載得歸而青房過訪草堂見予髮白齒落深怪早衰又以其窮愁笑獨

妻妾相繼下世因話昔年湖山兵火奔走  
提攜心力枉枯骨肉安在太息者久之青  
房亦以毀家紓役舊業蕩然水鳥樹林依  
稀如故而居停數椽斷籬零甍罔有存者  
人世盛衰聚散之故豈可問耶撫今追往  
詮次為五言長詩用識吾慨且以明舊德  
於不忘也

吾宗老孫子所居住在磬清湖湖水清且漣其地皆膏  
腴地肥我前知柳池種石魚魚教教童童教教鳴鳴燕燕屋屋開

芙蓉有書足以讀有酒足以沽終老寡送迎頭髮  
可不梳相傳范少伯三徙由中吳一舸從此去在傳  
理或不誣嗟予遇兵火百口如飛鳧避地何所投

已上湖之末歷

此上叙得簡

扁舟指菰蒲北風晚正急烟港生模糊船小吹雨  
來衣薄無朝舖前村似將近路轉忽又無倉皇值  
漁火欲問心已孤俄見葭菼邊主人出門呼開柵  
引我船掃室容我徒我家兩衰親上奉高堂始艱  
難總頭白動止需人扶妻妾病伶仃嘔吐當中途  
長女僅九齡餘泣猶呱呱入君所居室燈火映牕

已上胡邨景畢

已下傳城邑消  
耗而以湖村之  
居為樂

此下陳墓之變

白頭湖兵

疏寬閒分數寢。嬉笑喧諸雛。縛帚東西廂。行李安  
 從奴。前牕張罽網。後壁掛耒鋤。苦辭村地僻。客舍  
 無精麤。剪韭烹伏雌。斫鱸炊彫胡。床頭出濁醪。人  
 倦消幾壺。睡起日已高。曉色開烟蕪。蕪一兩家  
 點染江村圖。沙嘴何人舟。消息傳姑蘇。或云江州  
 下。不比揚州屠。早晚安集椽。鞍馬來南都。或云移  
 民房。插箭下嚴符。囊橐歸他人。婦女充軍俘。里老  
 獨晏然。催辦今年租。饁畊看賽社。釀飲聽呼盧。軍  
 馬總不來。里巷相為娛。而我游其間。坦腹行徐徐。  
 見人盡恭敬。不識誰賢愚。魚蝦盈小市。鳧雁充中  
 廚。月出浮溪光。萬象疑沾濡。放楫凌滄浪。笑弄驪  
 龍珠。夷猶發浩唱。禮法胡能拘。東南雖板蕩。此地  
 其黃虞。世事有反覆。變亂興須臾。草草十數人。盟  
 歃起里閭。兔園一老生。自詭讀穰苴。漁翁爭坐席。  
 有力為專諸。解艇飾於皇。簞笠裝犀渠。大笑擲釣  
 竿。赤手搏於菟。欲奪夫差宮。坐擁專城居。予又出  
 子門。十步九崎嶇。脫身白刃間。性命輕錙銖。我去  
 子亦行。後各還其廬。官軍雖屢到。尚未成丘墟。生

此下出仕宦

者

此下青房過訪

涯免溝壑身計謀樵漁買得百畝田從子學長沮  
 天意不我從世網將人驅親朋盡追送涕泣登征  
 車吾生罹干戈猶與骨肉俱一官受逼迫萬事堪  
 歎歎倦策旣歸來入室翻次且念我平生人慘澹  
 留羅襦秋雨君叩門一見驚清癯我苦不必言但  
 坐觀髭鬚歲月曾幾何筋力遠不如遭亂若此衰  
 豈得勝奔趨十年顧妻子心力都成虛分離有定  
 分久暫理不殊翻笑危急時奔走徒區區君時聽  
 我語顏色慘不舒亂世畏盛名薄俗容小儒生來  
 遠朝市謂足逃沮洳長官誅求急姓氏屬甲胄夜  
 半聞叩門瓶盎少所儲豈不惜堂構其奈愁征輸  
 庭樹好追涼剪伐存枯株池荷久不開歲久填泥  
 淤廢宅鋤爲田薺麥生階除當時棲息地零落今  
 無餘生還愛節物高會逢茱萸好採籬下菊且讀  
 囊中書中懷苟自得外物非吾須君觀鴟夷子眷  
 戀傾城姝千金亦偶然奚足稱陶朱不如棄家去  
 漁釣山之隅江湖至廣大何惜安微軀揮手謝時  
 輩慎勿空躊躇



梅村集卷第三

五言古詩三

○ ○ 清涼山讚佛詩

西北有高山。云是文殊臺。臺上明月池。千葉金蓮  
開。花花相映發。葉葉同根栽。王母攜雙董成綠蓋。雲  
中來。漢主坐法宮。一見光徘徊。結以同心合。授以  
九子釵。翠裝雕玉輦。丹髯沉香齋。護置琉璃屏。立  
在文石階。長恐乘風去。舍我歸蓬萊。從獵往上林。  
小隊城南隈。雪鷹異凡羽。果馬殊羣材。言過樂游

苑進及長楊街。張宴奏絲桐。新月穿宮槐。攜手忽  
太息。樂極生微哀。千秋終寂寞。此日誰追陪。陛下  
壽萬年。妾命如塵埃。願共南山樹。長奉西宮杯。披  
香淖博士。側聽私驚猜。今日樂方樂。斯語胡爲哉。  
待詔東方生。執戟前詼諧。薰鑪拂黼帳。白露零蒼  
苔。吾王慎玉體。對酒毋傷懷。

其二

傷懷驚涼風。深宮鳴蟋蟀。嚴霜被瓊樹。芙蓉凋素  
質。可憐千里草。萎落無顏色。孔雀蒲桃錦。親自紅  
女織。殊方初云獻。知破萬家室。瑟瑟大秦珠。珊瑚  
高八尺。割之施精藍。千佛莊嚴飾。持來付一炬。泉  
路誰能識。紅顏尚焦土。百萬無容惜。小臣助長號。  
賜衣或一襲。只愁許史輩。急淚難時得。從官進哀  
誄。黃紙抄名入。流涕盧郎才。咨嗟謝生筆。尚方列  
珍膳。天厨供玉粒。官家未解菜。對案不能食。黑衣  
召誌公。白馬馱羅什。焚香內道場。廣座楞伽譯。資  
彼象教恩。輕我人王力。微聞金雞詔。亦由玉妃出。  
高原營寢廟。近野開陵邑。南望蒼舒墳。掩面添悽

柳木集三二  
慄戒言秣我馬。遨遊凌八極。

其三

八極何茫茫。日往清涼山。此山蓄靈異。浩氣供屈盤。能蓄太古雪。一洗天地顏。日馭有不到。縹緲風雲寒。世尊昔示現。說法同阿難。講樹聳千尺。搖落青琅玕。諸天過峰頭。絳節乘銀鸞。一笑偶下謫。脫却芙蓉冠。遊戲登瓊樓。窈窕垂雲鬢。三世俄去來。任作優曇看。名山初望幸。銜命釋道安。預從最高頂。灑掃七佛壇。靈境乃杳絕。捫葛勞躋攀。路盡逢一峰。傑閣圍朱闌。中坐一天人。吐氣如梅檀。寄語漢皇帝。何苦留人間。烟嵐倏滅沒。流水空潺湲。回首長安城。緇素慘不歡。房星竟未動。天降白玉棺。惜哉善財洞。未得誇迎鑿。惟有大道心。與石永不刊。以此護金輪。法海無波瀾。

其四

嘗聞穆天子。六飛騁萬里。仙人觴瑤池。白雲出杯底。遠駕求長生。逐日過濛汜。盛姬病不救。揮鞭哭弱水。漢皇好神仙。妻子思脫屣。東巡并西幸。離宮

落葉哀蟬思李夫人

宿羅綺寵奪長門陳恩盛傾城李穠華卽修夜痛  
入哀蟬誅苦無不死方得令昭陽起晚抱甘泉病  
遽下輪臺悔蕭蕭茂陵樹殘碑泣風雨天地有此  
山蒼崖闕興毀我佛施津梁層臺簇蓮葉龍象居  
虛空下界聞鬪蟻乘時方救物生民難其已澹泊  
心無爲怡神在玉几長以兢業心了彼清淨理年  
車稀復幸牛山竊所鄙縱灑蒼梧淚莫賣西陵屨  
持此禮覺玉賢聖總一軌道參無生妙功謝有爲  
耻色空兩不住收拾宗風裏

石公山

真宰斲雲根奇物思所置養之以天池益益插靈  
異初爲仙家困百仞千倉閉金鬲炊雲中杵臼鳴  
天際忽而遇巖城猿猴不能繼遠窺樓櫓堅逼視  
戈矛利一關當其中飛鳥爲之避仰睇微有光投  
足疑無地循級登層巔天風豁蒼翠疲喘千犀牛  
落落誰能制僂僂一老人獨立拊其背旣若拱而  
揖又疑隱而睡此乃爲石公三問不吾對

歸雲洞

歸雲何孱顏。雕斲自太古。千松互盤結。托根無一  
土。呀然丹崖開。蒼茫百靈奔。萬載長歎危。撐拄良  
亦苦。古佛自爲相。一身雜仰俯。依稀莓苔中。葉葉  
青蓮吐。若以度真詮。足號藏書府。仙翁刺船來。坐  
擘麒麟脯。鐵笛起中流。進酒虬龍舞。晚向洞中眠。  
吒石開百武。牀几與棋局。一一陳廊廡。翩然自茲  
去。黃鶴瀟湘浦。恐使吾徒窺。還將白雲補。

縹緲峰

茲峰非云高。高與衆山別。其下多嵌空。天風吹不  
折。挿根虛無際。縹緲爲險絕。細徑緣山腰。人聲來  
木末。籃輿雜徒步。佳處欣屢歇。躋嶺路倍艱。往往  
攬垂葛。灑氣凌沈寥。一身若冰雪。輕心出天地。羽  
翮生髣髴。杖底撥殘雲。了了見吳越。曜靈燭滄浪。  
滉漾金光發。陰霞俄已變。慘澹玄雲結。歸筇破暝  
靄。半嶺值虹蜺。始知清境杳。跡共人身滅。丹砂定  
可求。苦爲妻子奪。看君衣上雲。飛過松間月。

林屋洞

震澤初未定。水石爭相攻。神龍排杳冥。盪擊沉虛

宮仙人資禹加洞府開洪濛惜哉石函書不救夫  
差窮大道既已洩國祚於焉終我行訪遺蹟興極  
探虛空絕徑不可肥自視猶枯筇山神愛偃僂直  
立憂微躬以之生退怯匍匐羞兒童傳聞過險澀  
谿呀來天風松炬厭明滅乳竇驚青紅洪崖應常  
來牀几陳從容何不廻真馭日月行其中銀房闕  
幽異勿使吾徒同終當齋餼糧鍊骨如飛鴻路穿  
三江底境與諸天通南浮瀟湘水西上峩眉峰歸  
來詫里人足比靈威翁

送周子俶

五載寄幽燕歸來問家室入門四壁在小婦當牕  
織恐其話饑寒且呼治酒食妻子識君心低頭惟  
默默嗟余忝隣里欲語弗遑及聞君又行邁君歸  
曾幾日睽此父母邦過若遠鄉客丈夫志四海行  
矣須努力

其二

努力羸餼糧秋風卽長路京口正用兵倉皇過瓜  
步扁舟戒行李六月黃河怒脫身萬仞淵此險何

足數慷慨輕波濤長年豈知故中道感舊交良爲  
詩書悞餘生嬰世網重來獻詞賦登高望烽火躊  
躇屢迴顧

其三

迴顧去鄉遠進及長安城禁門十二戟策馬聞雞  
鳴解褐初登朝日出趨承明慶雲生堦墀天樂和  
且平立談計誠用萬里無專征忘形樂簡易任氣  
高縱橫常恐斗酒後脫略驚公卿一官了婚嫁可  
以謀歸畊

其四

歸畊東岡陝清流貫羣木月明夜方靜高話溪堂  
宿破產求神仙丹砂狗微祿玉書晚應悟至道亡  
情欲一飯輒萬錢并日恒不足知交雖云厚距可  
先骨肉閱世經艱難息心謝榮辱平生著述事尚  
有殘編讀

蕩子失意行贈李雲田

君家楚山下門前溪水流願識賢與豪不羨公與  
侯動足有萬里妻子何能留丈夫重意氣耻爲兒

女桑中夜理瑤瑟。思婦當高樓。鶯花二三月。送君下揚州。小孤白浪惡。腸斷征帆收。長干嬌麗地。一顧嘶驂騶。菡萏亦已落。蘭杜方經秋。十月嚴風寒。剪燭紉衣裳。太行車輪摧。落葉填霜溝。君又自茲去。匹馬將誰投。趙女顏如花。窈窕迴明眸。皎皎雙行躔。巧笑寒羅幃。男兒重紅粉。妾夢輕浮漚。今年附書至。慰訊猶綢繆。客囊無長物。旅病才新瘳。途窮狗知己。進止詎自由。狂走三十年。布褐空蒙頭。不如歸去來。漁釣滄浪謳。大兒誦文史。小婦彈箜篌。南村沽社酒。西舍牽畊牛。人生一遠廬。漂泊如飛鷗。得意匪爲樂。失路寧關愁。居爲段干隱。出作盧敖游。我欲竟此曲。君笑登扁舟。碧天浩無際。極目徒悠悠。

丁未三月廿四日從山後過湖宿福源精舍  
千林已暝色。一峰猶夕陽。拾級身漸高。樵徑何微茫。回看斷山口。樹杪浮湖光。松子向前落。道人開石房。桶租養心性。取足鬚眉蒼。清磬時一聲。流水穿深篁。我生亦何幸。暫憩支公床。客夢入翠微。人



事良可忘

廿五日借穆苑先孫浣心葉予聞允文游石  
公山盤龍石果寂光歸雲諸勝

大道無端倪真宰有融結茲山在天壤靈異蓄不  
泄萬竅凌虛無一柱支毫末疑豈愚公移愁為巨  
靈拔劉根作堂與柳毅司肩鑄誰啓仙人間繫我  
漁父柁刻鏤洪濛雲雕搜大荒雪或人而疴瘵或  
馬而蹄齧或負藏輕舟或載專車節或象神鼎鑄  
或類昆吾切地肺庖丁解月窟工倕伐石困封餼

累觀燕見詩公  
劉疏

糧天廚甃涓潔重賺累甃甃短柱增樞椀瓜瓢觚  
稜剖木皮槎枒裂皚皚黃河水炎炎崑岡熱哈呀  
舞辟邪談酣張饕餮斗起聳雲關一道通箭筈碧  
藕玲瓏根文螺宛委穴丹梯躡而上鬱鬱虛皇闕  
突兀撐青旻插地屏障列一身生羽翰百尺跨虹  
蜺斷澗吟楓柟颯爽侵毛髮側窺漏日影了了澄  
潭澈雞聲出烟井乃與人境接迴思頃所歷過眼  
纔一瞥秦皇及漢武好大同蠓蟻齊諧不能志炙  
輒不能說鄙桑二小儒註書事抄撮陋襲李斯碑

闕補周王碣。關全亦妙手。惜未適吳越。嵩華雖云高。無以鬪巧拙。時俗趨姿媚。烟巒漫塗抹。妄使僉父輩。笑我騎蟻垤。京江吸金焦。漢水注大別。流峙合而漚。奇氣乃一發。睥睨五嶽間。誰與分優劣。扶杖一村翁。眼看話年月。昔逢猶兒童。今見已耄耄。昨聞縣帖下。搜索到魚鱉。訝彼白鼉逃。無乃青草竭。却留幽境在。似爲肥遯設。當年綺里季。卜居採薇蕨。皓首走漢廷。恨未與世絕。若隨靈威去。此處攬藤葛。子房知難致。欲薦且捫舌。浮生每連蜷。塵界儘空濶。謀免妻孥愁。計取山水悅。入春桃李過。韶景聽啼鳩。籃輿累親舊。同載有二葉。穆生老而健。孫郎才且傑。彼忘筋力勞。我愛賓朋摯。過湖曳輕帆。入寺憩深樾。老僧諧語笑。妙理攻麴蘖。曉起陳盤餐。飽食非麤糲。桑畦路宛宛。笏屨行兀兀。快意在此游。失記遺七八。平湖鋪若茵。磐石幾人歇。蹲踞當其旁。拒戶相支遏。黝黑聲訇稜。欲進遭噴喝。側肩僅容趾。腹背供磨軋。下踞薜蘿牢。上覩崩崖豁。攀躋差毫釐。失足憂一蹶。前奇墓先過。後險

欣乍脫歌呼雜韶舞。嬉笑視履襪。君看長安道。高  
步多蹉跎。散誕來江湖。蒲伏羞干謁。頭因石丈低。  
腰向山靈折。四月將已近。天時早炎熱。揮汗何沾  
濡。驚飈俄凜冽。歸來北窓枕。響入山溜徹。不寐話  
夜涼。連床擁裘褐。晚歲艱出門。端居意騷屑。閒踪  
習羈旅。逸興貪放達。跌蕩馮夷宮。遊戲天吳窟。將  
毋神鬼怒。亟遣風雨奪。勝事滿現前。得失歸勇怯。  
衰老偕故人。幸喜茲游決。它年子晉濤。百里聞咤  
咄。鱸鮓隨風雷。頸鎖金牛掣。鮫人織床几。神女洗  
環珞。碾磑打空灘。澎湃濺飛沫。噌吰無射鐘。嘹唳  
狴賓鐵。孤客爲旁皇。嫠婦爲悽咽。那知捩柁下。我  
輩行車轍。再拜告石公。相逢慰饑渴。旣從人間世。  
忍再洪波沒。志怪作大言。嗜奇私神物。肯學楊焉  
鐫。願受壺公訣。縮之入懷袖。弄之置盆鉢。栽松龍  
氣上。蓄水雲根活。長留文士玩。勿被山君竊。嘗聞  
响嘍峰。科斗尊往牒。剝蝕存盤螭。捫索嗟完缺。此  
山通巴陵。下有神禹札。後代文字衰。致起龍蛇孽。  
我有琅玕管。上灑湘娥血。濯足臨滄浪。浩思吟不

輟未堪追陽水猶足誇李渤隱從烟霞閉出供時  
世閱刻之藏書巖千載應不滅

游石公歸是夜驟雨明晨微霽同諸君天王

寺看牡丹

烟嵐澹方霽沙暖得徐步訪寺苔徑微遠近人語  
誤道半逢一泉曲折隨所赴觸石松頂飛其白或  
如鷲尋源入杳冥徑絕橋屢渡中有二比丘種桃  
白雲護花將舞而笑石則落猶怒澆之以杯酒娟  
然若迴顧此處疑仙源快意兼緇素苦辭山地薄  
縣官責常賦蔬果雖已榮龍象如欲訴學道與養  
生得失從時務吾徒筋力衰萬事俱遲暮太息因  
歸來鐘聲發清悟

揖山樓

名山誰逢迎遇人若俯仰心目無端倪默然與之  
往幽泉互相答飛鳥入空想傑閣生其間櫺軒爭  
一爽嘉樹為我圓坐久惜餘賞暝靄忽而合明月  
出孤掌彈琴坐其中萬籟避清響良夜此會難佳  
處莫能獎

牡丹竟不及何也

鹽官僧香海問詩於梅村村梅大發以詩謝之

但訪梅花來。今見梅花去。何必為村翁。重尋灌園處。種梅三十年。逸屋已千樹。饑摘花蕊餐。倦抱花影睡。枯坐無一言。自謂得花意。師今遠來游。恰與春光遇。索我囊中詩。搔首不能對。寄語謝故人。幽香養衰廢。溪頭三尺水。好洗梅魂句。

直溪吏

直溪雖鄉村。故是尚書里。短棹經其門。叫聲忽盈耳。一翁被束縛。苦辭橐如洗。吏指所居堂。卽貧誰信爾。呼人好作計。緩且受鞭箠。穿漏四五間。中已無窓几。屋梁紀月日。仰視殊自恥。昔也三年成。今也一朝毀。貽我風雨愁。飽汝歌呼喜。官逋依舊在。府帖重追起。旁人共歎歎。感嘆良有以。東家瓦漸稀。西舍墻半圯。生涯分應盡。遲速總一理。居者今何栖。去者將安徙。明歲留空村。極目唯流水。

臨頓兒

臨頓誰家兒。生小矜白晢。阿翁負官錢。棄置何倉

卒○給○我○適○誰○家○朱○門○臨○廣○陌○囑○儂○且○好○住○跳○弄○無  
知○識○獨○怪○臨○去○時○摩○首○如○憐○惜○三○年○教○歌○舞○萬○里  
離○親○戚○絕○伎○逢○侯○王○寵○異○施○恩○澤○高○堂○紅○氍○毹○華  
燈○布○瑤○席○授○以○紫○檀○槽○吹○以○白○玉○笛○文○錦○縫○我○衣  
珍○珠○裝○我○額○瑟瑟○珊○瑚○枝○曲○罷○恣○狼○藉○我○本○貧○家  
子○邈○近○遭○拋○擲○一○身○被○驅○使○兩○口○無○消○息○縱○賞○千  
黃○金○莫○救○餓○死○骨○歡○樂○居○宅○鄉○骨○肉○誠○何○益

梅村集卷之三十四

七言古詩一

行路難

奉○君○乘○鸞○明○月○之○美○扇○耶○谿○赤○堇○之○寶○刀○莞○荔○桃  
笙○之○綺○席○陽○阿○激○楚○之○洞○簫○丈○夫○得○意○早○行○樂○歌  
舞○任○俠○稱○人○豪○舉○杯○一○歌○行○路○難○酒○闌○鐘○歇○風○蕭  
蕭

其二

長○安○巧○工○製○名○燈○七○龍○五○鳳○光○層○層○中○有○青○熒○之

此為京師燈市  
而作

朱火下有映徹之澄水。游魚揚鬣肆澆漚。飛鳥奮翼思騫騰。黑風吹來徧槐市。狂花振落燒觚稜。金吾之威不能禁。鐵柱倒塌銅盤傾。使人策馬不能去。青燐鬼哭唯空城。

其三

君不見無須將閭叫呼天。賜錢請葬驪山邊。父爲萬乘子黔首。不得耕種咸陽田。君不見金墉城頭高百尺。河間成都弄刀戟。草木萌芽殺長沙。狂風烈烈吹枯骨。人生骨肉那可保。富貴榮華幾時好。龍子作事非尋常。奪棗爭梨天下擾。金牀玉几不得眠。一朝零落同秋艸。

其四

愁思忽不樂。乃上咸陽橋。盤螭蹲獸勢相齧。豁呀口鼻吞崩濤。當時平明出萬騎。馬蹄蹀躞何逍遙。長安冠蓋一朝改。紫裘意氣非吾曹。柴車辟易伏道畔。舍人辭去妻孥嘲。人生太行起。面前何必褒。斜棧閣崎嶇。高

其五

此為靖節王紹武紛爭立而作

收

收

此為昌平十二陵而作

君不見南山松柏何葱菁於世無害人無爭斧聲  
丁丁滿崖谷不知其下何王陵玉箱夜出寶衣盡  
冬青葉落吹魚燈石馬無聲缺左耳豐碑倒折纏  
枯藤當時公卿再拜下車過今朝蔓草居人耕

其六

漢家身毒鏡有為國名大如八銖錢蒲桃錦囊雖黯澹盤龍  
婉轉絲結連云是宣皇母后物摩挲愛惜宮中傳  
土花埋沒今千年對此撫几長嘆息金張許史皆  
徒然

其七

君不見黃河之水從天來一朝乃沒梁王臺梁王  
臺成高崔嵬禁門平日車如雷千尺金堤壞百里  
巖城開君臣將相竟安在化為白龜與黃能乃知  
水可亡人國昆明劫灰何如哉

其八

男兒讀書良不惡屈首殘編務穿鑿窮年矻矻竟  
無成徒使聲華受蕭索君不見王令文章今大進  
丘公官退才亦盡寂寂齋居自著書太玄奇字無

此為流寇決黃河灌汴城之事



人問

其九

伏軾說人主。談笑稱上客。一見賜黃金。再見賜白  
 璧。夜半宮中獨召見。母弟通侯皆避席。上殿批逆  
 鱗。下殿犯貴戚。對未犀首進讒譖。韓非受指摘。夜走函  
 谷關。逡巡不能出。君不見范睢折脇懲前事。身退  
 功成歸蔡澤。

其十

君不見鄭莊洗沐從知交。傾身置驛長安郊。又不  
 見任君談辭接後進。冠蓋從游數百乘。人生盛名  
 致賓客。失勢人情諒非昔。年少停車莫掃門。故人  
 行酒誰離席。

其十一

直諫好言事。召見拜司隸。彈劾中黃門。鯁切無所  
 避。天子初見容。謂是敢言吏。以茲增感激。居官厲  
 鋒氣。奏對金商門。縛下都船獄。髡頭徙朔方。衆怒  
 猶不足。私劍揣其喉。赤車再收族。橫尸都亭前。妻  
 子不敢哭。酒色作直都。殺人藏頭畏尾徒。碌碌

叔

叔

其十二

拔劍橫左膝。嗔目悲歌向坐客。我初從軍縛袴褶。  
 手擊黃顰弓霹靂。生來不識官家貴。帶甲持兵但  
 長揖。驅馬來中原。尚書奏功級。前庭論爵賞。後殿  
 賜飲食。烏嚙家兒坐我上。壞坐爭言多酒失。御史  
 彈文讀且糾。待罪驚憂不敢出。還君絳衲兩當衫。  
 歸去射獵終南山。

其十三

平生俠游尚輕利。劇孟為兄灌夫弟。使酒罵坐人  
 探丸所俗吏流血都市中。追兵數十騎借問追者  
 誰。云是灞陵杜穉季。抽矢弗射是故人。兩馬相逢  
 互交臂。吾徒豈相厄。便當從此逝。泰山羊氏能藏  
 跡。北海孫公堪避世。複壁埋名二十年。赦書却下  
 咸陽尉。歸來故鄉無負郭。破家結客成何濟。

其十四

今我思出門。圖作雒陽賈。東游陳鄭北齊魯。白壁  
 一雙交王公。明珠十斛買歌舞。關中輅車方算緡。  
 高輪峩峩下荆楚。道阻淮南兵。貨折河東估。朝為

雖用細柳事未  
安

不耐煩妙

叔

8

倚頓暮黔婁乞食吹簫還故土

其十五

丈夫少年使絕域從行吏士交河卒布衣功拜甘  
泉侯獨護高車四十國蒲萄美酒樽中醉汗血名  
駒帳前立富貴歸故鄉上書乞骸骨漢使遮玉關  
不遣將軍入軍中夜唱行路難條支海上秋風急

其十六

西莫過金牛關懸崖鐵鎖猿猱攀南莫過惡道灘  
盤渦利石戈矛攢程程啼分村鵲叫落日青楓山  
鬼嘯篁竹深巖不見天我所悲兮在遠道

其十七

結帶理流蘇流蘇紛亂不能理當時羅帷鑒明月  
皎皎容華若桃李一自君出門深閨厭羅綺有人  
附書還君到長千里名都鶯花發皓齒知君眷眷  
嬋娟子太行之山黃河水君心不測竟如此寄君  
翡翠之鸚鵡傳璣之墮珥勸君歸來且歡喜卧疾  
空床為君起

直而少味

其十八

全襲行路難  
句法

收

收

8

吾將老焉惟糟丘。裸身大笑輕王侯。禮法之士憎如讐。此中未得逍遙游。不如飲一斗。頽然便就醉。執法在前無所畏。君不見嵇生幽憤阮生哭。箕踞狂呼不得意。

永和宮詞

揚州明月杜陵花。夾道香塵迎麗華。舊宅江都飛燕井。新侯關內武安家。雅步纖腰初召入。鈿合金釵定情日。豐容盛鬋固無雙。蹴鞠彈碁復第一。上林花鳥寫生綃。禁本鍾王點素毫。楊柳風微春試

馬梧桐露冷暮吹簫。君王宵旰無歡思。宮門夜

半傳封事玉几金床少晏眠。陳娥衛艷誰頻侍。貴

妃明慧獨承恩。宜笑宜愁慰至尊。皓齒不呈微

索問蛾眉欲蹙又溫存。本朝家法脩清讌。房帷久

絕珍奇薦勅使。惟追陽羨茶內人數減。昭陽膳維

揚服製擅江南小閣爐。烟沉水含私買瓊花新樣

錦自脩水遞進黃柑中宮謂得。君王意銀鑲不

妬溫成貴。早日艱難護大家。比來歡笑同良娣。奉

使龍樓賈佩蘭。往還偶失兩宮歡。雖云樊嬖能辭

叔

湊泊

8

令欲得昭儀喜怒難綠縹小字書成印瓊函自署  
充華進請罪長教 聖主憐含辭欲得 君王慍

君王內顧恤傾城故劍還存敵體恩手詔玉人

蒙詰問自來階下拭啼痕外家官拜金吾尉平生

游俠多輕利縛客因催博進錢當筵便殺彈箏伎

班姬才調左姬賢霍氏驕奢竇氏專涕泣微聞椒

殿詔笑譚豪奪灞陵田有司奏削將軍俸貴人冷

落宮車夢永巷傳聞去玩花景和門裏誰陪從天

顏不憚侍人愁后促黃門召共游初勸官家佯不

應玉車早到殿西頭兩王最小牽衣戲長者讀書

少者弟聞道羣臣譽定陶獨將多病憐如意豈有

神君語帳中漫云王母降離宮巫陽莫救蒼舒恨

金鎖彫殘玉筯紅從此 君王慘不樂叢臺置酒

風蕭索已報河南失數州况經少子傷零落貴妃

瘦損坐国床慵髻啼眉掩洞房荳蔻湯溫冰簟冷

荔支漿熱玉魚涼病不禁秋淚沾臆裴回自絕

君王膝苔沒長門有夢歸花飛寒食應相憶玉匣

珠襦啓便房薤歌無異葬同昌 君王欲製哀蟬

賦誅筆詞臣有謝莊頭白宮娥暗嘆蹙庸知朝露  
非爲福宮草明年戰血腥當時莫向西陵哭窮泉  
相見痛倉黃還向官家問永王幸免玉環逢喪亂  
不須銅雀怨興亡自古豪華如轉轂武安若在憂  
家族愛子雖添北渚愁外家已葬驪山足夜雨椒  
房陰火青杜鵑啼血濯龍門漢家伏后知同恨止  
少當年一貴人碧殿淒涼新木拱行人尚識昭儀  
塚麥飯冬青間茂陵斜陽蔓草埋殘壠昭丘松檟  
北風哀南內春深擁夜來莫奏霓裳天寶曲景陽

宮井落秋槐

琵琶行

并序

去梅村一里爲王太常烟客南園今春梅  
花盛開予偶步到此忽聞琵琶聲出於短  
垣叢竹間循牆側聽當其妙處不覺拊掌  
主人開門延客問向誰彈則通州白在湄  
子或如父子善琵琶好爲新聲須臾花下  
置酒白生爲予朗彈一曲迺先帝十七  
年以來事敘述亂離豪嘈淒切坐客有舊

中常侍姚公避地流落江南因言先帝  
在玉熙宮中梨園子弟奏水嬉過錦諸戲  
內才人於暖閣齋鏤金曲柄琵琶彈清商  
雜調自河南寇亂天顏常慘然不悅無復  
有此樂矣相與哽咽者久之於是作長句  
紀其事凡六百二言仍命之曰琵琶行

琵琶急響多秦聲對山慷慨稱入神同時漾陂亦  
第一兩人矢志遭遷謫絕調王康並盛名崑崙摩  
詰無顏色百餘年來操南風竹枝水調謳吳儂里

人度曲魏良輔高士填詞梁伯龍北調猶存止弦  
索朔管胡琴相間作盡失傳頭誤後生誰知却唱  
江南樂今春偶步城南斜王家池館彈琵琶悄聽  
失聲叫奇絕主人招客同看花爲問按歌人姓白  
家住通州好尋覓袴褶新更回鶻裝虬鬚錯認龜  
茲客偶因同坐話先皇手把檀槽淚數行抱向  
人前訴遺事其時月黑花茫茫初撥鴟弦秋雨滴  
刀劍相磨轂相擊驚沙拂面鼓沉沉砉然一聲飛  
霹靂南山石裂黃河傾馬蹄迸散車徒行鐵鳳銅

此處散漫而於  
先帝十七年來  
事不叙於題叙  
無情

盤柱摧塌。四條弦土烟塵生。忽焉摧藏若枯木。寂  
寞空城烏啄肉。轆轤夜半轉。伊啞嗚咽無聲貴人  
哭。碎珮叢鈴斷續風。冰泉凍壑瀉淙淙。明珠瑟瑟  
拋殘盡。却在輕籠慢撚中。斜抹輕挑中一摘。滲慄  
颼颼。憊肌膚。銜枚鐵騎飲桑乾。白草黃沙夜吹笛。  
可憐風雪滿關山。烏鵲南飛行路難。獺嘯鼯啼山  
鬼語。瞿塘千尺響鳴灘。坐中有客淚如霰。先朝  
舊直乾清殿。穿宮近侍拜長秋。咬春燕九陪游燕。  
先皇駕幸玉熙宮。鳳紙僉名喚樂工。苑內水嬉

金傀儡殿頭。過錦玉玲瓏。一自中原盛豺虎。煖閣  
才人撤歌舞。插柳停撈素手。箏燒燈罷。擊花奴鼓。  
我亦承明侍。至尊止聞鼓樂奏雲門。段師淪落  
延年死不見。君王賜子恩。一人勞悴深宮裏。  
賊騎西來趨易水。萬歲山前鞞鼓鳴。九龍池畔悲  
笳起。換羽移宮總斷腸。江村花落聽霓裳。龜年哽  
咽歌長恨。力士淒涼說上皇。前輩風流最堪羨。明  
時遷客猶嗟怨。卽今相對苦南冠。昇平樂事難重  
見。白生爾盡一杯酒。繇來此伎推能手。岐王席散



少陵窮五陵。召客君知否。獨有風塵潦。倒人偶逢。絲竹便沾巾。江湖滿地。南鄉子。鐵笛哀歌。何處尋。

○雒陽行

詔書早洗雒陽塵。叔父如王有幾人。先帝玉符

分愛子。西京銅狄泣王孫。白頭宮監鋤荆棘。曾在華清內承直。遭亂城頭烏夜啼。四十年來事堪憶。

神皇倚瑟楚歌時。百子池邊嫋柳絲。早見鴻飛四海翼。可憐花發萬年枝。銅扉未啓牽衣諫。銀箭初殘淚如霰。幾年不省公車章。後來數罷昭陽宴。

骨肉終全異。母恩功名徒付上書人。貴彊無取諸

侯相。調護何關老大臣。萬歲千秋相訣絕。青雀投

懷玉魚別。昭丘烟草自蒼茫。湯殿香泉暗嗚咽。析

圭分土上東門。寶轂雕輪九陌塵。驪山西去辭溫

室。渭水東流別任城。少室峰頭寫桐漆。靈光殿就

張琴瑟。願王保此黃髮期。誰料遭逢黑山賊。嗟乎

龍種誠足憐。母愛子抱非徒然。江夏漫裁脩柏賦。

東阿徒詠豆萁篇。我朝家法踰前制。兩宮父子無

遺議。廷論繇來責佞夫。國恩自是優如意。萬家湯

沐啓周京。千騎旌旗給羽林。總爲先朝憐白象。豈  
知今日誤黃巾。鄒枚客館傷狐兔。燕趙歌樓散烟  
霧。茂陵西築望思臺。月落青楓不知路。今皇興  
念總惟哀。流涕黃封手自裁。殿內遂停三部伎。官  
中爲設八關齋。束薪流水王人戍。太牢加璧通侯  
祭。帝子魂歸南浦雲。玉妃淚灑東平樹。北風吹  
雨。故宮寒。重見新王受詔還。唯有千尋舊松栝。照  
人落落嵩高山。

宮扇

收 8

扇上畫

宣皇清暑幸離宮。碧檻青疏十二重。七寶鑄銅薰  
鴨貴。千金磁翠鬪雞紅。玳瑁簾開南內宴。沉香匣  
啓西川扇。蟬翼描來雲母輕。冰紈製就天孫艷。丹  
霞滂起駕雲輶。王母雙成絳節還。玉管鳳銜花萬  
壽。銀濤龍蹴海三山。芙蓉水殿琉璃徹。內家尚苦  
櫻桃熟。九華初御詠招涼。落葉迴風若霜雪。峨眉  
萬里尚方船。雉尾千秋奏御箋。公主合歡嬌翡翠。  
昭容反影鬪嬋娟。遭逢召見南薰殿。思陵日晏  
猶揮汗。天語親傳賜近臣。先生進講幽風倦。黃

羅帕捧出離闕。画筵丹青掌上。看俸薄買嫌燈市。  
價恩深。博謝閣門班。自離卷。握秋風。意寒驢便面。  
誰人識。聞道烽烟蔽錦城。齊紈楚竹。無顏色。石榴  
噴火照皇都。再哭蒼梧媿左徒。舊內謾懸長命縷。  
新宮徒貼辟兵符。雨夜床頭搜廢篋。摩挲老眼玉  
家物。半面猶存。蛺蝶圖空。箱尚記霓裳。疊蠹粉黃。  
侵瓊樹花。麴塵香。損紫鸞車。珠衣五翟。悲秦女。玉  
墜雙魚泣。漢家莫嘆君恩長。斷絕比來舒卷。仍鮮  
潔。乍可襟披宋玉風。不堪袖掩班姬月。

収 88

宣宗御用戩金蟋蟀盆歌

宣宗在御昇平初。便殿進覽豳風圖。煖閣才人籠  
蟋蟀。晝長無事為歡娛。定州花甕賜湯沐。玉粒瓊  
漿供飲啄。戩金髹漆隱雙龍。果厥雕盆錦香褥。伏  
飛着翅逞腰身。玉砌軒簷試一鳴。性不近人須耿  
介。才堪却敵在僮輕。君王暇豫留深意。棘門霸  
上皆兒戲。鬪雞走狗謾成功。今日親觀戰場利。坦  
額長身張兩翼。鋸牙植股鬚如戟。漢家十二羽林  
郎。蟲達封侯功第一。臨淮真龍起風雲。二豪螟蛉

史記漢功臣年表  
蟲達一名非  
蟲達也

張與陳草間竊伏竟何用。竈下廝養非吾羣。大將  
中山獨持重。却月城開立不動。兩目相當振臂呼。  
先聲作勢多操縱。應機變化若有神。僂突彷彿常  
開平。黃鬚髮鱗甲見股栗。垂頭折足亡精魂。獨身跳  
免追。且急拉折攀翻。只一擲。螭螭塞外蠕蠕走。使  
氣窮搜更深入。當前拔柵賭先登。奪采爭籌爲主  
人。自分一身甘瓦注。不知重賞用黃金。君王笑  
謂當如此。楚漢雌雄何足齒。莫嗤超距浪輕生。橫  
草功名須致死。二百年來無英雄。故宮瓦礫吟秋  
風。一寸山河鬪蠻觸。五千甲士化沙蟲。灌莽微軀  
亦何有。捉生誤落兒童手。蟻賊穿墉負敗齒。戰骨  
雖香嗟速朽。涼秋九月長安城。黑鷹指爪愁雙睛。  
錦鞬玉繚競馳逐。頭鵝宴上爭輸贏。鬪鴨欄空舞  
馬死。開元萬事堪傷心。秘閣圖書遇兵火。殿盒宜  
窖賤如土。名都百戲少人傳。貴戚千金向誰賭。樂  
安孫郎好古癖。剔紅填漆收藏得。我來山館見雕  
盆。蟋蟀秋聲增歎息。嗚呼漆城蕩蕩空無人。哀蛩  
切切啼王孫。貧士征夫盡流涕。惜哉不遇飛將軍。

起四語學虛  
江小吏妻詩

聽女道士卜玉京彈琴歌

鴛鴦逢天風北向驚飛鳴  
 飛鳴入夜急側聽彈琴  
 聲借問彈者誰云是當年卜玉京  
 玉京與我南中  
 遇家近大功坊底路小院青樓大道邊  
 對門却是  
 中山住中山有女嬌無雙  
 清眸皓齒垂明璫曾因  
 內宴直歌舞坐中瞥見塗鴉黃  
 問年十六尚未嫁  
 知音識曲彈清商歸來女伴洗紅粧  
 枉將絕技矜  
 平康如此纔足當侯王  
 萬事倉皇在南渡  
 大家幾  
 日能枝梧詔書忽下選蛾眉  
 細馬輕車不知數中

玉京見中山  
女

入選女

山好女光徘徊一時粉黛無人顧  
 艷色知為天下  
 傳高門愁被旁人妬  
 盡道當前黃屋尊  
 誰知轉盼  
 紅顏誤南內方看起桂宮  
 北兵早報臨瓜步  
 聞道

君王走玉驄  
 犢車不用聘昭容  
 幸遲身入陳宮  
 裏却早名填代籍中  
 依稀記得祁與阮  
 同時亦中  
 三宮選可憐俱未識  
 君王軍府抄名被驅遣  
 漫詠  
 臨春瓊樹篇玉顏零落委花鈿  
 當時錯怨韓擒虎  
 張孔承恩已十年  
 但教一日見天子  
 玉兒甘為東  
 昏死羊車望幸阿誰知  
 青塚淒涼竟如此  
 我向花

蒼鮮北度

玉京正感中山  
女之北行也

自南入吳

一篇大意在此  
二句

間拂素琴一彈三嘆為傷心暗將別鵠離鸞引寫  
入悲風怨雨吟昨夜城頭吹簫築教坊也被傳呼  
急碧玉班中怕點留樂營門外盧家泣私更裝束  
出江邊恰遇丹陽下渚船剪就黃緇貪入道攜來  
綠綺訴嬋娟此地繇來盛歌舞子弟三班十番鼓  
月明絃索更無聲山塘寂寞遭兵苦十年同伴兩  
三人沙董朱顏盡黃土貴戚深閨陌上塵吾輩漂  
零何足數坐客聞言起歎嗟江山蕭瑟隱悲笳莫  
將蔡女邊頭曲落盡吳王苑裏花

南生魯六真圖歌

并引

山東南生魯官浙之觀察命謝彬畫已像  
而劉復補山水凡六圖其一坐方褥聽兩  
姬搗箏吹洞簫其一焚香彈琴流泉瀉塔  
下旁一姬聽倦倚石一會兩少年蹴鞠戲  
毬擲空中勢欲落一圖書滿床公左顧笑  
有髻而秀者端拱榻前若受書狀則公子  
也餘二圖一則画藤橋橫斷壑中非人境  
公黃冠機拂掉首不顧一則深巖枯木有

頭陀趺坐披布衲。卽公也。予爲作六真圖。  
歌鏡之石上。覽者可以知其志矣。

明湖夜雨天涯客。握手停杯話疇昔。人生竟作畫  
圖看。拂卷生綃開數尺。長身玉立於思翁。美人促  
柱彈春風。一聲兩聲玉簫急。吹落碧桃無數紅。旁  
有一姝嬌倚扇。聽君手拂湘妃怨。抱琴危坐鬚飄  
然。知入清徽廣陵散。出門逐伴車如風。築毬會飲  
長安中。歸來閉門閒課子。石榻焚香列圖史。我笑  
此翁何太奇。彈琴蹴鞠皆能爲。讀書終老豈長策。

乘雲果欲鞭龍螭。神仙吾輩儘可學。六博吹笙游  
戲作。不信晚年圖作佛。趺坐蒲團貪睡着。丈夫雄  
心竟若此。世事悠悠何足齒。興來展翫自掀髯。機  
拂藤鞋自茲始。劉君水石謝君圖。解衣盤礴工揣  
摩。平生嗜好經想像。須臾點出雙清驢。置身其間  
真快樂。聲酒琴書資笑謔。縱然仙佛兩無成。如此  
溪山良不惡。吾聞宗少文。曾寫尚子平。阮生長嘯  
逢蘇門。祖孫妙筆多天真。君不見興宗年少香山  
老。不及丹青似舊人。

後東臯草堂歌

結處少發揮

君家東臯枕山麓。百頃流泉浸花竹。石田書畫數  
 百卷。酷嗜平生手藏錄。隱囊麈尾寄蕭齋。鴻鵠高  
 飛鷹隼猜。白社青山舊居在。黃門北寺捕車來。有  
 詔憐君放君去。重到故鄉棲隱處。短策仍看屋後  
 山。扁舟却繫門前樹。此時鈞黨雖縱橫。終是君  
 王折檻臣。放逐縱緣當事意。江湖還賴主人恩。一  
 朝龍去辭鄉國。萬里烽烟歸未得。可憐雙戟中丞  
 家。門帖淒涼題賣宅。有子單居持戶難。呼門吏怒

此處舞西開府  
嫌太畧

索家錢窮搜廢篋。應無計棄擲城南五尺山。任移  
 花藥鄰家植。未剪松杉僧舍得。漁舟網集習家池。  
 官道人牽到公石。石礎雖留不記亭。槿籬還在半  
 無門。欹橋已斷眠僵柳。醉壁誰扶倚瘦藤。尚有荒  
 祠叢廢棘。豐碑草沒猶堪識。堦前田父早歌呼。陌  
 上行人增歎息。我初扶杖過君家。開尊九月逢黃

追數舊遊

花。秋日溪山好圖畫。石田真蹟深咨嗟。傳聞此圖  
 再易主。同時賓客知存幾。又見溪山改舊觀。雕欄  
 碧檻今已矣。搖落深知宋玉愁。衡陽雁斷楚天秋。

杜句改一字



公詩長歌第一  
每到結處有落  
場俚語

斜暉有恨家何在。極浦無言水自流。我來草堂何處宿。挑燈夜把長歌續。十年舊事總成悲。再賦閒愁不堪讀。魏寢梁園事已空。杜鵑寂寞怨西風。平泉獨樂荒榛裏。寒雨孤村聽暝鐘。

汲古閣歌

嘉隆以後藏書家。天下昆陵與瑯琊。整齊舊聞收放失。後來好事知誰及。比聞充棟虞山翁。中又得小毛公。搜求遺逸懸金購。繕寫精能鏤板工。繇來斯事推趙宋。歐虞楷法看飛動。集賢院印校讐

精太清樓本裝潢重。損齋手跋為披圖。蘇氏題觀在直廬。館閣百家分四庫。巾箱一幅盡三都。本朝儒臣典制作。累代縹緗輸秘閣。徐廣雖編石室書。孝徵好竊華林略。兩京太學藏經史。奉詔重修賜金紫。高齋學士費滄錢。故事還如寫黃紙。釋典流傳自洛陽。中官經厰護焚香。諸州各請名山藏。總目難窺內道場。南湖主人為嘆息。十年心力恣收拾。史家編輯過神堯。律論流通到羅什。當時海內多風塵。石經馬矢高丘陵。已壞書囊縛作袴。復驚

木冊推為薪君家高閣偏無恙主人留宿傾家釀  
醉來燒燭夜攤書雙眼摩挲覺神王古人關書借  
三館羨君自致五千卷又云獻書輒拜官羨君帶  
索躬耕田伏生藏壁遭書禁中郎秘惜矜談進君  
獲奇書好示人雞林巨賈爭摹印讀書到死苦不  
足小學雕蟲置廢簏君今萬卷盡刊訛那家小兒  
徒碌碌客來詩酒話生平家近湖山擁百城不數  
當年清秘閣亂離踪跡似雲林

送志衍入蜀

去年秋山好君走燕雲道今年春山青君去錦官  
城秋山春山何處可為別把酒欲問橫塘印人影  
將分花影稀鐘聲初動簫聲咽我昔讀書君南樓  
夜寒擁被譚九州動足下床有萬里駑馬伏櫪非  
吾儔當時東國賤男子傲岸平生已如此今朝乘  
傳下西川賓戶巴人負弓矢黃牛喘怒溼銀濤崩  
剝蒼崖化迹勞石斷忽穿風雨過山深日見魚龍  
高江頭老槎偃千尺接手猿猱擲橡栗雲移斷壁  
層波見月上危灘遠峰出縹緲樓臺白帝城月明

粵則安

吹角唱花卿。棧連子午愁烽。壩水落東南。洗甲兵  
摩訶池上。清明火。蹲鴟山下。巴渝舞。豈有居人浣  
百花。依然風俗。輸銅鼓。有日登臨。感客游。楚天飛  
夢入江樓。五湖歸思。蒼波濶。十月懷人。木末愁別  
時。曾折閨門柳。相思應寄。郛筒酒。末下鹽鼓。誰共  
嘗蜀中蒟醬。君知否。愧予王粲。老江潭。愁絕空山  
響杜鵑。乞我灤西園。數畝依君好。種灌溪田。

清風使節圖。吾郡先達徐仲山中丞。以武部  
郎奉命封鄭藩。當時諸賢贈行作也。中丞於  
先叅政爲同年。勿齋先生屬予記其事。勿齋  
勅使益府。予亦有大梁之役。兩家子弟。述先  
志。揚祖德。其同此君歲寒矣。

豫章夾日吟高風。歲久蟠根造物功。吾祖先朝  
豫州牧。早年納節東溪翁。舅家仲珪擅畫竹。歸老  
山莊看亦足。至今遺墨滿縹緗。掛我青溪草堂曲。  
此圖念出同年生。當時意氣稱徐卿。非買玉環思  
適鄭。暫持翠節解司兵。吾祖一麾方出守。不獲諸  
公同載酒。把臂曾看韋曲花。贈行不及漳河柳。誰

人尺幅寫篋管。影入清郎四牡裝。千里故園存舊  
節。百年舊澤養新篁。今皇命使臨江右。絳旛人  
識中丞後。江左龍孫篠簜長。淇園鳳質琅玕瘦。嶰  
谷千尋鸞鳥呼。彭城一派雨風多。願將十丈鵝溪  
絹。再作青青玉筍圖。

末四句落宋人  
事

梅村集卷第四終

